

ЖАРҒЫН БОЛАШАҚ ЖАСТАРДЫҢ ҚОЛЫНДА

Бұл мақаланы жазарда мен еш ойланбай кірістім. Неге?-десеңіз, өскелең ұрпаққа үлгі боларлық тағы бір өткен іс шараға байланысты болмақ. Біздің жастар жан-жақты дамыған, өз саласының нағыз маманына айналуы үшін, мұндай кездесу, іс шаралар қажет деп білемін. Осы орайда көңілге еріксіз өлең жолдары келеді:

Мына жастар көп жақсыға сенеді,
Ниет болса барлығын да жеңеді.
Дұрыс жолды көре білген жастарым
Алға қадам басып бүгін келеді.

Қара шаңырақ әл-Фараби атындағы ҚазҰУ-да түрлі іс-шаралар және кездесулер өтеді. Олардың әрбірі, мұндағы студенттерге ерекше әсер қалдырады сөзсіз. Оларға дәлел болар, бірнеше мысалдар да жетерлік. Солардың біріне тоқталып кетейін.

ҚазҰУ-ға өткен жылы Халықаралық мәдени дипломатия институтының төрағасы Мұхаммед Камиль Али Муейни бастаған делегация құрамы келді. ҚазҰУ-дың бірінші проректоры Мұхамбетқали Бүркітбаев «Еліміз тәуелсіздігін алғаннан бері Біріккен Араб Әмірліктерімен тығыз байланыс ор-

натты. Екі ел арасындағы дипломатиялық, саяси-экономикалық және мәдени қарым-қатынас жоғары деңгейде даму үстінде. Оған дәлел біздің университетте еліміз бойынша шығыс тілдерінде мамандар дайындайтын шығыстану факультеті бар. Факультетте 8 шығыс тілі: араб, парсы, қытай, корей, түрік, жапон, хинди, урду және екі батыс тілі ағылшын және француз тілдері оқытылады. Университет қабырғасында шығыс тілдерін зерттеу орталықтары да жұмыс істейді. Осы орайда біз сіздердің институттарыңызбен бірлесе араб тілінде мамандар даярлауды қолға алып, оны одан әрмен дамытсақ»,-деді бірінші проректор. Кездесу барысында тараптар оқытушылардың біліктіліктерін арттыру, тәжірибе алмасу және студенттердің тіл үстарту тәжірибесінен өту маңыздылығына тоқталып, екіжақты болашақ ынтымақтастық бағыттарын талқылады.

Осы секілді бірнеше мысалдар, біздің өскелең ұрпаққа үлкен септігін тигізери анық.

Батырбекова Айдана Еркінқызы
Изтлеуова Аида Барлыбайқызы
Жәми Бақытжан Асқарбекұлы

БӘСЕКЕГЕ ҚАБІЛЕТТІ ЖАСТАР ЖАЙЛЫ

Бүгінгі айтылар ой жастарға арналмақ. Мемлекеттің тұрақты дамуының негізі – бәсекеге қабілетті жастар буыны болып табылады. Ал бұл тікелей жас қазақстандықтардың білім мен білік сапасына, олардың ұмтылысы мен ынтымағына байланысты болып келеді. Сондықтан да мемлекеттік саясаттың негізгі бағытының бірі – жастар екені анық. Жастардың дамуына Қазақстанда айрықша назар аударылады. Осы тұста қара шаңырақ ҚазҰУ-дағы жастардың біздің биік тұлғалардан алар үлгілері мол деуге болады. Солардың біріне тоқтала кетсек.

Әр жыл өзінің ерекшелігімен есте қалары сөзсіз. Қазір мен өткен жылға бір шолу жасағым келіп тұр. Өткен оқу жылы бізге көптеген жақсы жаңалықтармен, қызықты кездесулер келді десек, артық айтқанымыз болмас. Әрбір ғалыммен, танымал тұлғамен кездесу студенттерге ерекше әсер қалдырады анық. Солардың бірі Жанғара Дәдебаевтың 70 жылдығына орай ұйымдастырылған концернция болатын.

Әл-Фараби атындағы ҚазҰУ-да көрнекті әдебиеттанушы, филология ғылымдарының докторы, профессор Жанғара Дәдебаевтың 70 жасқа толуына арналған «XXI ғасырдағы филология ғылымдары: ұлттық код және көркемдік таным» атты Халықаралық ғылыми-әдістемелік конференция өтті.

Аталмыш шара аясында «Қазақ университеті» баспасынан Өнегелі өмір сериясы бойынша жарық көрген Ж. Дәдебаев туралы кітап пен Абайтану таңдамалы еңбектер көптомдық ғылыми басылымының 1-36 томдарының тұсаукесер рәсімі болды.

Бияхмет Жанайым Болатбекқызы, Нұржұма Сәуле,
Сариева Айгул Камзаевна

ӨСЕР ЕЛДІҢ БАЛАСЫ, БІРІН-БІРІ БАТЫР ДЕР...

Ел болашағы, өскелең ұрпақ жастардың қолында. Оны барлығымыз білеміз. Осы тұрғыда қара шаңырақтың бізге деген мүмкіндігі мол. Солардың бірі – шет елмен байланыс.

Біраз жайтты ұғыншы жас қыраным,
«Тек қана алға» болсыншы сол ұраның.
Жолда шалып тұратын жандар болса
Өз мақсатың болсын сол, өз тұмарың.
Кітап болсын әрқашан бір сыңарың,
Кей уақытта бөлкім сен бір жыладың.
Алға қойған мақсатыңа жеткенше
Еш тоқтама, еңбектен, сен қыраным!

ҚазҰУ-ға өткен жылы, Гуйлин университетінің ректоры Линь На бастаған Қытай делегациясы келді. Делегация құрамын қарсы алған бірінші проректор ҚазҰУ-дың бүгінгі тыныс тіршілігімен толықтай таныстырып, тараптар болашақ ынтымақтастық бағыттарын кеңінен талқыға салды.

Үлкендердің сенері мына жастар,
Биікке жетудің бір жолын бастар.
Сенімді бірге ақтайық, көтерейік
Еліміздің мәртебесін бірге достар!

Арынбек Саламат Абдіқалыққызы
Бошқаев Қуантай Авгазыевич

ТҰҢҒЫШ ПРЕЗИДЕНТ КҮНІНЕ ДАЙЫНДЫҚ

Қыстың алғашқы күні де бізде керемет мерекелі көңіл-күймен басталады. Себебі, ол күн-тұңғыш Президент күні. Осы тұста, М.Мақатаевтың мына бір өлең жолдары еріксіз еске түседі.

Бақытым бар үшінші Отан деген,
Кім мықты десе біреу, Отан дер ем.
Оты сөнген жалғанда жан барсың ба?
Ойланбай-ақ кел дағы, от ал менен.

1 желтоқсан «Тұңғыш Президент» күніне орай, студенттерімізді елбасымыздың балалық шағы, өмір жолымен таныстыру мақсатында әл-Фараби атындағы ҚазҰУ-да жылдағы дәстүр бойынша түрлі іс-шаралар жоспарлануда. Бұл жылға да әдеттегі дәстүр бойынша, қара шаңырақтағы студенттер қараша айынан дайындалары сөзсіз. Тәуелсіз ел болғалы, Тұңғыш президенттің елге тигізген пайдасы өте зор. Сол үшін де мұндай іс шаралардың көптеп болуы орынды деп санаймын.

Қазіргі жағдайға қарамастан, студенттер мұндай іс шараларда қашықтан болсын, жоғары деңгейде ат салысуда. Әлеуметтік желілер арқылы, түрлі құттықтауларын жаударған біздің студенттер өздерінің еліне, жеріне деген сүйіспеншілігін, сыйластығын үнемі көрсетуде.

Исалы Марғұлан Ерсайынұлы, Архипов Юрий Вячеславович

РУХАНИ ЖАҢҒЫРУ ЖАЙЫНДА НЕ БІЛЕМІЗ?



РУХАНИ
ЖАҢҒЫРУ

Кей уақыт адамзатты көпке сенді,
Енді бірі өзгені ойлап, бәлкім жеңді.
Тура қарап, сүрейік бұл өмірді
Рухани дамидың бір уақыт келді.

Елбасымыз Н.Ә.Назарбаев осы жыл 2019 жыл жастардың жылы деп жарияланғаны жас буынның рухына жігер бергені анық. Әл-Фараби атындағы ҚазҰУ елімізде ғылым мен білімде ғана емес, рухани ізгіліктің де көшін бастап, жастарға әрқашан да ерекше қолдау көрсетіп келеді. Қоғамдық сананы жаңғыртуға бағытталып отырған бұл идеяның ұсынылуы уақыт талабы мен ел дамуының тарихи кезеңіне сай, маңызы зор шешім болып отыр. Бұл идеяның үшінші жаңғырудың өзегіне айналуы, елімізге мүлдем жаңаша сипат, тың серпін әкелері анық. Сананы рухани жаңғыртуға бәсекеге қабілетті, білімді елдің ғана шамасы жетеді. Сол себептен Елбасы руха-

ни жаңғырудағы ұлттық сананың рөліне баса назар аударып, бірнеше міндеттерді айқындап берді. Елбасы аталған мақаладан жаңаша бастау алатын «Туған елге» ұласатын «Туған жер» бағдарламасын қолға алуды ұсынып отыр. Әрбір азаматтың өзінің туған жерінің гүлденуі үшін нақты үлес қосуға үндейді.

Жас буын өкілдері халықтың игі дәстүрінен тәлім алып, елжандылық, патриоттық қасиеттерді бойына сіңіріп өсу үшін нақ осындай бағдардың маңыздылығы зор.

Осы орайда ректор Ғалым Мұтановтың бастама-сымен жүзеге асып жатқан әлеуметтік-инновациялық бірегей жобалардың бірі – адамгершілікке үндейтін «Айналанды нұрландыр» жобасы соның бір айғағы. Еліміздің рухани дамуы мен алға қойған мақсаттарға қол жеткізуде бұл жоба айтарлықтай өз үлесін қосып келеді. Өн мен жырға толы кештің шымылдығы ҚазҰУ хорының орындауында Ғ. Мұтановтың сөзіне жазылған Владимир Питерцевтің «Айналанды нұрландыр» әнімен ашылды. Студенттер сарайының концерттік залы көрермен қауымға лық толы болған аталмыш кеште мәдениет қайраткерлері, ақын, жазушылар, әртістер, ғалымдар мен жалынды жастар болды.

Артықбаева Ұлболсын Нұрланқызы
Кунаков Сандыбек Кадырович

ҚОҒАМНЫҢ ҚЫЗЫҒУШЫЛЫҒЫ ҚАЙДА БЕТ БҰРУДА

Бүгінгі күні студенттер неге қызығады?-деген сауалға жауап іздейміз және жастар қандай дүниеге қызықтанып абзал? Міне, осы сұрақтар бойынша әл-Фараби атындағы Қазақ Ұлттық университеті қандай шараларды қолға алуда? Осы жайында бұл таңда сіздерге біраз мәлімет беретін боламыз.

Қара шаңырағымызда әр факультеттің, тіпті, әр кафедрасының өзіндік үйірмелері бар. Оны бірі білсе, енді бірі білмеуі мүмкін. Мысалы, тарих факультеті ежелгі дәуір мен осы заманға дейінгі аралықты қамтитын тарихи үйірме ұйымдастырып отырса, филология факультеті ақын, жазушылармен кездесу жиі ұйымдастыруда. Ал, біз физика-техникалық факультеті жайында сөз қозғап, соның ішінде бір үйірмеге тоқталып өтейік.

Thomson Reuters-бұл ұғымды бірі білсе, енді бірі біле бермейді. Осы тұрғысында бұл мақаланы осыған арнағанды жөн көріп отырмын. Қазіргі таңда еліміз, жалпы әлем күн өткен сайын даму үстінде. Сол себепті, даму барысында бұндай бағдарламалар кімге де болсын керек. Енді бұл не база, деген сұрақ туындап отырған болар? Жалпы, ЖОО-на түскен студент төртжылдық білім алып, дипломын қорғап шығады. Сол дипломды жазарда ол ізденісте болады, яғни бірнеше ғылыми мақалаларды ақтарады, кітаптарды қарайды. Соның бәрін біріктіріп, өзінің нақты бір мәселесін жазып шығады. Енді сол мақалалар, басылымдар, жалпы негізгі кілт сөздерді басқа да тұлғалар қолданған ба, не болмаса сенің мақалаң өзгеніңкіне қатты ұқсас емес пе, деген сұрақ туындайды. Міне, осы тұрғыда Thomson Reuters базасы сізге көмектеседі. Ол жерге өзіңіз қай жерді, болмаса қай сөздің әлемде неше мақала болып жарық көргенің көргіңіз келсе, сол базаға жазып, іздеп көрсеніз тауып берері сөзсіз.

Сол үшін мұндай үйірмелер, жастарға арналған шаралардың көптеп болғаны абзал. Болашаққа үлкен үмітпен қадам басудың өзі осындай кішкене бастамалардан құралады. Сол үшін еш өкінішсіз алға қарай жүрген жөн. Мақсат, арман, ой, қиял бәрі бірімен-бірі ұштасып жатыр. Тек соны дұрыс қолдана алсаң болғаны.

Ақпаров Данияр Манарбекович
Аманкулов Ердоқ Смагулович